

REVTLINGENSE.

13

*Et purum verbi defendat ubique tenorem.
Hoc Reütlinga facit, nec se fecisse pigebit
Hactenus: in primis diuini lumine Verbi
Splendida, Sueuorum veterum celeberrima genti
Imperialis humus, docta vicina Tubinga:
Pacifica, & sincera fide, pietate decora,
Et simplex, populosa satis, nec gente superbâ.
Vitus in hoc templo docuit clarissimus Herman
Nuper & hinc migrans cælestia regna petiuit,
Cuius adhuc nomen manet, aeternumq; manebit.
Nam post se doctos tres liquit in vrbe ministros
Ingenuos gnatos, socij pia pignora lecti.
Scilicet Eusebi te claro nomine dictum,
Monte sub Achalmo, qua non procul vrbe superbit
Eninga: hic sese pastorem munere fidum
Exhibet, & tentat magnum aequiparare parentem.
Perge ita: sis semper felix Eusebius Herman.
Filius alter adest nobis Ezechiel huius
Frater, amicitia longo & mihi cognitus usu,
Qui Gomeringensem iam longo tempore pagum
In verbo pascit Christi pia semina spargens
Nunc Wanuuilensi pastor bene presidet agro.
Perge ita: nam sese qui paruo munere fidum
Exhibet, huic olim credent maiora penates.
Tertius est frater patrio cognomine Vitus
Hermannus, magni sequitur vestigia patris
In pietate pari: sincero pectore clarus
Qui docet egregie populum cælestia dona
Et Reütlingensem patrijs virtutibus urbem
Condecorat, celebrem reddit, feliciter ornat.
Hermano quondam fuit acceptissimus usu
Atque ministerio Daniel cognomine pictor*

Vitus Herman-
nus concionator
Reütlingensiu
obiit: An. 1588.

M. Eusebius Her-
man pastor in E-
ningen propè
Reütlingam.

Ezechiel Her-
man Diaconus
Gomeringensis.

Vitus Herman-
nus, tertius Her-
manni filius o-
biit 8. Septemb.
An. 1597.

Daniel Pictor,
Reütlingensiu

D

In